

Arthur Dowers di partido AVP ta puntra:

Ki dia Minister Tromp ta bay Ministerio Publico pa Namdar



ORANJESTAD (AAN): Den declaracion duna na prensa, parlamentario Arthur Dowers a manifesta cu e homber grandi ta cana liber na New York y Minister Marisol Lopez Tromp despues cu varios colega di e minister aki ta duna indicacion cu e no ta hiba un maneho transparente pa cu ortogamento di tereno comercial no a lanta caso contra ningun di su colega cu a crea duda den su integridad tampoco e Minister a hiba e capitalista grandi cu kier a soborna su partido Ministerio publico. Minister Tromp no ta mishi cu esnan cu poder sino cu esnan humilde. Minister Tromp cu tin den su cartera, sali na defensa di esnan humilde tabata tin otro interes. Minister Tromp su

interes tabata hopi dirigi ariba esnan cu hopi recurso, ariba tereno y asphalt y no ariba esnan di menos recurso.

Minister Tromp a lubida cu e ta Minister di Asunto Social tambe. Awe nos mester puntra nos mes si e combinacion di cartera bao un Minister esta Infraestructura, Asunto Social, Enseñanza ta un combinacion realistico y si no ta e combinacion di cartera aki a buta e Minister aki desvia di e forma cu nos ta mira awe.

E denuncia contra un grupo di piscador cu segun e Minister lo a lansa menaza den su direccion ta simplemente un smokescreen pa tapa e escandalo di tereno y Namdar tambe cu a lansa menaza den direccion di Minister Marisol un menaza cu por hibe te KIA pero nos no a mira ningun denuncia contra Namdar.

Minister Tromp a pega un barco hibando un grupo di piscador humilde ministerio

publico pa cosnan cu nan no a bisa. E Minister aki awe esun di mas transparente di e gabinete Oduber y di tur otro gabinete den historia di Aruba pasobra tur su departamentonan ta traha hopi transparente y no tin ningun secreto.

A laga carta cay den brienbus di oposicion y awe su sponsor di campana a cuminsa canta con partimento di tereno tabata tuma lugar y pa straño cu e por sona atrobe ta tres nomber di minister ta den wega Oduber, Briezen y Lopez Tromp tempo di Namdar ta e mes un tres nomber nan aki tabata den publicidad.

Awe nos ta tende un comerciante bisa con a pidi tereno pa changa otro colega di e minister aki pa para un plan diabolico. Mare e comerciante aki por a sali na defensa di esnan di menos recurso hunto cu Marisol pa a para e plan diabolico di BBO.

Minister Tromp kier a mal informa nos pueblo creando

e impresion cu nan ta traha hopi transparente, wel ban spera dia e caso di e comerciante aki worde atendi den corte cu tin macuto hopi grandi pa hinca tur puito cu bula sali den corte, nos ta keda pendiente.

Un cos cu ta resalta den tur e escandalonan aki ta cu e minister aki a lubida e causa y esnan cu mas el a hunga cu nan sentimento. Nunca nos a tende e Minister aki papia di e grupo di comerciante y sigur no cu e lo bay parti tereno pa nan.

Tempo cu e tabata den oposicion e tabata un hende social awe, Minister Marisol a lubida pa kico el a studia esta pa traha pa esnan socialmente vulnerable y no pa e miyonario, acaso Marisol ta bankero, economista, ingeniero. No esaki ta e minister cu nos a kere cu e lo tabata e prome cu lo a sali y bisa nos pueblo cu tin tereno pa parti y cu tur esnan di menos recurso por aplica pa esaki pa asina nan tambe por bira comerciante grandi


y probecha di e desarrollo di nos pais. Pero no awe Minister Tromp a simplemente bisa duna lama, beach y pier numa y dia cu piscadornan tende lo ta laat esaki ta transparencia y consenshi social.

Señores, esaki ta e mes un minister cu a papia di NeoLiberalismo ta con ta yama e maneho aki anto Neofaboritismo??? E forma di tira piedra sconde man aki no por worde califica di ningun otro forma cu tuma hende haci.

Si Minister Tromp tabata asina social di con awe varios di fundacion a menaza di hiba e minister aki corte pa por haya placa pa cria criaturanan cu nan ta duna cuido, di con gehandicapnan mester roga pa haya placa pa paga bus?.

TELEFONNAN DI DIARIO
582-6747- FAX 582-8551

BAGDAD BOSO TA COI LOCO!!



**BEST
DEAL**

Tel: 5827100

(Pariba di Aruba Bank, Paradera)

**TUR
MALETIN
PA SCHOOL
AFL. 25,=.
Y TUR
ARTICULO
PA SCOL
25%.**